

上清大洞真經卷之六

荒十

茅山上清三十八代宗師蔣家瑛校勘

扶桑大帝九老仙皇君道經第三十五

上玄元父章

謹請上玄元父高同生字左回明下玄玄母

叔火王字右回光帝皇太一重冥空字幽家
無九帝尊神日明真字乘帝生大帝精蒐陽
堂玉宇八靈天帝九關蒐綠徊道字絕冥天
紀帝蒐照無阿字廣神七神常守兆本命之
根胞胎大結常令胞囊玉明胎結開清七祖
反胎兆命長生三天同符上與日并祐我死
炁三十九門太一尊神備守致真口銜日先
手執月明照兆死戶使兆長生我體自在常
誦洞經金音令仰克上入太無庭解結散禍
積披脫七祖靈反胎會南宮仙都有玉名三
塗滅罪根輪轉登上清

真愿混合蓮華七色神雲罩於頂上乃默

呪曰

元父玄母 七真齋炁 神公太帝 九老併位
為我固生 拔度十界 日月同符 九帝合契

坐命天魔 萬靈來拜 浮華三軍上 震怒德世



次思七色蓮華之炁從兆泥丸中入兆乃
口吸神雲咽津七過每念一名則咽一過
先念元父次玄母次帝皇次九帝尊次大
帝精蒐次天帝九關蒐次天紀帝蒐結作
七神布心下膺上上玄元父眾冕騎獅子
六人衣冠侍立順時吐息

誦玉經

大洞玉經曰

太帝九老京 校仙登扶桑 七轉召天帝
司命乘神綱 五歲啓靈戶 傳聲大魔王
河海皆受事 立爾應會方 保符泥丸內

守神曰桃康 徊明易死籍 託仙叔火王
拔絕三塗疾 去甦生上英 七玄登朱室
此身會玉堂 上友方盈子 下鴻理維藏
左攝明車君 右輔歸盛昌 混一玉京炁
化兆反嬰童

高上消魔王清王祝曰

太玄聚暉 映冠扶晨 大帝變景 須臾混分
入兆五府 堅我玉根 雙駟太一 合羽揚輪
與兆上昇 回轉金門 年同日德 體得金仙
世世昌盛 真符流連 玄玄眾業 名書靈軒
羽籍紫庭 飛香奏烟 福連百枝 慶流溢門
畢乃口微祝曰

天上內音 盈劫連 邕玉昇
地上外音 車雜苦 去百毒

大洞上玄元父消魔王符

訣曰當青書白縉佩之存呼元父內諱名
字鎮我本命之根乃叩齒七通咽液七過



小有玉真萬華先生主圖玉君道經第三十六

二素老君章

謹請三素老君牢張上字神生道正一左仙仲成子字西華正一右仙曲文子字靈和常守此鼻下人中死炁之門使此人中真一無關於紫房靈炁金光散曜於子戶三晨併位於練室七玄超生於玉堂七祖受福上昇南宮

真思三素老君牢張上正一左仙仲成子

正一右仙曲文子真炁混九玄白黃三色之雲罩於頂上乃默呪曰

玉真生帝景 萬華乘靈發 三老輔二仙 共鎮死戶窟 神映七華生 朽骨蒙更蛻 超逸三界庭 五苦咸解脫 得入九天表

上朝高朱曰



次思三色之炁從此泥丸中入此乃口吸神雲咽津五過結作五神三老君青黃白三色衣及二星官共五神下布絡宮穿尾閭穴穿脊骨上入泥丸下布鼻下人中之戶順時吐息

誦玉經

大洞玉經曰

玉真萬華宮 高仙藏帝經 主圖九天表 洞觀無中生 七轉召萬神 五嶽一來庭 三宮招衆魔 司錄校所呈 拔籍重泉曲 記仙書上清 七世解牢結 穢血悉沉零 反胎朱火室 更受洞中生 伯史衛神軀 令我保黃寧


高上神霄玉清王祝曰

命門合精 六混七分 太一把藉 司命理神 帶一固形 無英字菟 大回紫房 泰符帝君 胞樹伐絕 斷滅血根 七玄更起 沉景生烟 兆得上昇 化念中晨 身映日月 命與天連 重華累暉 威會上尊 世書靈羽 紫籙內宣

乘景三素 北宴高元 號曰仙王 上清真人 畢乃口微祝曰

天上內音 合帝伯 方超疑 地上外音 理生來 福田延 大洞三素老君消魔玉符

訣曰當黃書白體佩之存呼老君內諱名字鎮我鼻下人中備衛我身身得長存我形昇飛七祖皆仙上登南宮奉誦帝晨乃叩齒三通咽液三過



玄洲二十九真伯上帝司禁若道經第三十七

五帝章

謹請北方黑帝保成昌字北伐守北兩勝脫之中西方白帝彰安字西華守北陰囊之中南方赤帝長來覺字南和守北口舌之內

東方青帝彫梁際字青丰守此五藏之外中
 央黃帝含光露字中細守此脾胃之中玄一
 老子林虛夫字靈特道守此陰莖之端一老
 五帝備衛本命守此身形使七祖解考福祚
 九玄宿罪解結散除胞根即使胎精血光化
 為金液玉泉上生南宮以為帝賓我入八景
 回駕瓊輪仰升九天白日飛仙
 真思五色神雲罩於頂上默呪曰
 五帝明真 輔仙玄伯 上帝景輝 吐靈數席
 醫醫神曜 徘徊重幕 羽景寶錄 太一命籍
 五炁總覓 三精固魄 金仙練容 傳年反白
 拔出幽根 日月同定



次思五色之炁從此泥丸中入此乃口吸

神雲咽津分作六過每一咽結一神第一
 咽比帝黑雲下布左右膀胱之中出於後
 心二咽西帝白雲下布陰囊之中出於右
 有神頂戴月光三咽南帝赤雲下布口舌
 之中出於髮際下一寸四咽東帝青雲下
 布五藏之外出於左肩神首戴日光五咽
 中帝黃雲下布脾胃之中出於膈中六咽
 玄一老子亦黃雲下降陰莖之中出於玉
 龜之外順時吐息
 誦至經

大洞玉經曰

玄洲絕三津 羽景大無庭 迴霄飛重漢
 委化混萬精 五雲鬱絕空 七霞落圓明
 朗朗幽家子 梵昌濟黃寧 五老揮絳華
 散香携五靈 金質濯帝川 綠烟蕩流瓊
 神披三塗積 仙胎經兆形
 太上玉清真王祝曰
 上寶月九真 日曦變玉室 呼吸紫微
 大混帝一 八烟藥生 百靈明威
 九龜雜合 三光同暉 天皇在元

紫烟霏霏 五神奉圖 始命不虧
 變入九宮 被服朱衣 腰佩虎章
 流雲繡帔 帷帳欄玕 五色徘徊
 日月照察 挾以東西 神庭內醴
 以除渴飢 三五復反 轉藏管瓊
 周流太一 生均二儀

高上神霄玉清王祝曰

太一變六合 五神哺泥丸 七精滅三塗
 血尸塞下關 三鈴對帝真 拔斫胞樹根
 丈人號神宗 同心元素君 天皇入太清
 五老捧符文 世世登羽宮 重華日中軒
 元王始明精 固我本命門 保弼運綠炁
 歸上谷下玄 玄景映形神 朝躋太上輪
 日月併至矜 年隨二景分 丹書玉堂內
 位為天上君 左揭羽臺子 右提金顏仙
 畢乃口微祝曰
 天上內音 開神華 太紀元
 地上外音 三毒除 福乘回
 大洞五帝消魔玉符
 訣曰當黃書白繒佩之存呼五帝內諱名

字鎮我全身之戶乃叩齒三通咽液五過



太元晨中君峨眉洞室玉戶太素君道經
第三十八

帝卿章

謹請泥丸上一帝卿聲勤精字仲玄生絳宮
中一輔卿中光堅字四化靈黃庭下一洞卿
歸上明字谷下玄三神衛兆入帝一之室保
於九天之錄死戶滅絕超登帝一
真思泥丸上一帝卿聲勤精絳宮中一輔
卿中光堅黃庭下一洞卿歸上明三具之
炁混合青白黃三色之靈置於頂上乃默
呪曰
三真生太無 玉戶映晨霞 太素洞元虛
丹靈森朱阿 回神九重府 內唱發瓊華
百關納津液 停年秀三柯 我身騰玉清
七祖離幽都 長保不終劫 萬世為仙家



次思三色雲炁從兆泥丸中入此乃口吸
神雲咽津三過結作三神下本身三宮本
命帝室出自心下一寸順時吐息

誦玉經

太洞玉經曰

太元太素 洞景幽玄 人生天形 上道泥丸
九宮森羅 丹樓五間 嬰兒六炁 盈潤清淵
太一凝血 司命鎮魂 桃原備魄 養光命門
公子携精 洞陽迴神 九真保骨 太素理真
百節萬液 千門開關 上慈日月 五帝九晨
淡寂五藏 華生玉根 胃宮朱腸 生血通源
三命長生 營護太金 兆得神名 昇為仙君
高上太素玉清王祝曰
帝一混九玄 太素五華精 寶羽宴玉堂
八風扇太明 高上乘元景 凌梵履昌靈

七化紫戶下 九混五帝清 體生六色曜
金映流神形 感灌元炁內 金書玉皇庭

太上晨景玉清王祝曰

靈雲始分 白炁鬱素 混會九玄 三五流化
帝一解形 超登霄路 太一呼吸 五華堅固
引命主目中 白元司目暮 日中靜心 心玄眇悟
夕隱泥丸 百神宣布 二宮以養生 心腦可度度
畢乃口微祝曰
天上內音 凌昌玉 百塗君
地上外音 得合契 登神卿

大洞三一帝卿消魔王符

訣曰當朱書黃縑佩之存呼三卿內諱名
字鎮我本命衛我帝室固錄九天死戶絕
滅乃叩齒三通咽液三過



九靈真仙母育金丹皇君道經第三十九

帝一尊君章

謹請大洞帝一太素尊靈父寧母精二合變
成百真大混一徇始生身結入烟變胎元嬰
日月寶光洞我軀形太一在上與帝合并泥
九保玉五藏華明長合日月手執洞經位為
仙公晨昇上清三十九章金符羽庭

真思大洞帝一尊君父寧在真炁五色紫
雲之炁罩於頂上乃默呪曰

九靈通妙化 金仙混扶桑 帝一變百神
合靈西丹皇 上為胎仙母 下號理神宗
耀景絕雲杪 蕭蕭紫微宮 為我執命籍
保真三素房 妙景空中降 鍊我反嬰蒙
七祖絕苦源 超達九福堂



次思五色紫雲從兆泥丸中入兆乃口吸
神雲咽津十二過結作一神身披五彩紫

白霞圓光輪神在光內下布一形之內散
炁九孔之中聚在舌尖之上順時吐息
誦玉經

大洞玉經曰

西元九靈炁

金丹流雲宮

上極旋曜杪

暉景太霞中

動迴九天輪

靜沉八流剛

室有胎仙母

携鈴太帝皇

玄一靈時生

三老素宇張

左把兆符籍

右携理神宗

同登琳龍闕

稽首玉清房

拔棄死滅根

養形三五中

七祖解尸結

受福明未方

高上神霄玉清王祝曰

太上洞明

飛景九天

結精凝炁化炁變神

司命混合

散形億分

千乘火甲萬騎揚幡

俱與太一

上造帝先

但無起非仲成曲文

一合我炁

再合我神

三合我魄

四合我魂

五合我精

六合我身

我身六合

洞靈啓真

八景虛駕

三素浮輪

我與帝一俱升玉晨

重華累枝

混合天仙

身有道籍世有生根

金蘭羽符

名列日軒

所願即從天祿說誥

所向如心

萬福盈門

常存太上帝一泥丸


雌雄混化 百靈纏綿 讀經萬過 雲駕來迎
得安五帝 日月九君 得為仙公 上清真人
畢乃口微祝曰

天上內音 極炁壽

地上外音 合伯衿 駕變劫

大洞帝一尊君消魔王符

訣曰富紫書黃縉佩之存呼尊君內諱名
字徇風混合結成道真把錄符籍度命長
延千變萬化昇入九玄七祖解脫及胎三
天與帝同休舉形皆仙乃叩齒三十九通
咽液三十九過



徊風混合第一秘訣

此誦誦玉經三十九章都畢叩齒三十九通
便閉兩目存此百神變成白炁混沌如白雲
之狀從玄虛中來入兆口中鬱鬱良久覺白
炁從下部出又從玉莖中出從兩脚底出又
從兩手心出冠纏一體上下手足混合一身
與白炁同烟上下不相見也良久白炁忽復
變成紫雲鬱鬱從口中入頭中并五臟之內
充滿腹內良久紫雲又從兩脚底兩手心中
部玉莖中出冠纏一體鬱然上下與紫雲合
形不相見也須臾存見紫雲之炁充滿左右
及一室內又存見口中出風炁吹扇紫雲之
煙乃徊轉更相纏繞忽結成一真人男形如
始生小兒身長四寸號曰
大洞帝一尊君名父寧在字合母精延守兆
死關衆神徊風混化共成此
帝一尊君其
尊君來入兆口中舌下逕上昇入紫房六合
宮中平坐向外
尊君左手把兆五符右手把兆五籍

尊君口左邊有日光徑九分口右邊有月光
徑一寸

尊君口吐徊風之炁吹此日月之炁皆鬱鬱
變成白色或成紫色令炁炁下入兆五臟六
腑百節一身之內洞徹朗然內外如白日之

狀良久忽然忘身事訖神炁已定覺身體輕
清精神開爽乃叩齒三十九通兩手拭目再
說頌曰

太上教授我 讀誦洞真經 玉音合金商
上充太無庭 解結散幽禍 拔脫七祖靈
返胎會南宮 世世有玉名 三塗滅罪根
輪轉昇上清

誦經畢復爐祝曰

真位臣某吉日入靖修誦

上清大洞三十九章真經已畢當願

仙靈仙官金童使者五帝五嶽神仙真人三
天正神左右龍虎君天仙地仙五靈香官侍
經威神當令臣召致十方正炁自然生金液
丹碧芝英九玄玉真交會齋堂之所同灌臣
身今臣學道得道求仙得仙飛行太空騰景

九天玉童玉女侍衛香烟闌奏臣向來所啓
所願遵達

高真玉皇上道萬聖御前

復舉心拜四方乃起

後序

易曰大哉乾元萬物資始又曰乾道變化
各正性命保合大和乃利貞先儒釋之曰
何謂元是不可言也其陰陽未形之初乎
天之所賦為命物之所受為性性命妙矣
保合大和而後能利正大洞一經其本乎
迴元復命世之議者皆曰道妙於虛無神
潛於歛有殊不知未有天地先有此道洙
泗門人之稱夫子曰性與天道不可得而
聞也蓋此道即惟精惟一之妙自堯舜禹
三聖相傳皆心符印未嘗須臾離也迨
至春秋世降俗末指為甚高難行之事無
所適從故夫子亦罕言之及其顏子坐忘
曾子一唯豈復有異聞乎是經之旨乃存
心養性以事天聚精會神而合道與夫子
孫則存舍則亡之說初不相背頃自中央

黃老君隱禁之後世亦無知者故人間地上五嶽山中永無此經後世之人莫聞大道恣情欲海汨志塵波夫其所謂係木和正性命者良可憫也茅山上清宗壇歷代傳授千餘歲間繞三十八人蓋其發天地未形之蘊析父母媾精之妙故宜隱秘不輕畀傳咸淳仲春玉海冲妙宗師來游九華因訪道室語及此事聞者幾希懼將泯絕欲廣其傳焉公瑞以三生結習之緣蒙師指教感恩莫酬敬命厥工用錄諸梓以承其志與天下學士共之必有責實効心盟天而傳者願力行之以昌此道咸淳壬申上元日嗣法程公瑞焚香敬書

性命之賦於物也至大至微至輕至重有無不可涯涘而其不遺於道惡可見可求矣故得夫已者明然後知天地萬彙皆一物也彼之虛靈神妙者吾豈不具之既具之則可見可求曷不與至大至微至輕至重者同所賦有而不昧焉道之所謂經者發乎天真之音三炁之文莫不由

上帝真仙宣演而後傳之下世也其音聞於無音其文質於無文判於溟滓混沌之始而其開廓生植之者可聞可質矣謂之經也啓已之藏說已之經發其至真之奧以開人之頑蔽宜不物物具夫此經也哉大洞真經凡三十九章皆修鍊之旨行之而有成者若魏揚郭許者是也其隱乎高虛達乎明徹或謹於禮謂或順於采服工用各有同異非可泛易求之蓋脩鍊之道必本於養炁存神運物去慮然後炁凝神化物絕慮融無毫髮之間礙而後復手溟滓混沌之始故不飢渴不生滅與雲行空躡者遊於或往或來而莫知其極也經之行世敬善之士必思廣其傳原其存心於善一也聞道者熊常一求道有年募工刊是經來請一言噫知經之爲道而從之也衆矣能行經之道是不徒從之也太上之設教蠢動之類莫不受其澤行之千萬世而不息者有自來矣其幾何人能信於已而力修之能信而修之何慮其不

得乎經也矧出乎有無涯涘之表而神妙不持乎經之謂也持經者尚當勉於余言乎正一嗣教道合無爲闡祖光範真人頌道教事四十三代天師張守初謹書

上清大洞真經卷之六終